

Headline	Seminar perkasa ekonomi ummah		
MediaTitle	Kosmo		
Date	06 Dec 2011	Color	Full Color
Section	Kosmo 2	Circulation	115,967
Page No	26	Readership	406,000
Language	Malay	ArticleSize	427 cm ²
Journalist	N/A	AdValue	RM 3,713
Frequency	Daily	PR Value	RM 11,139



Seminar perkasa ekonomi ummah

Seminar Jihad Bisnes yang bakal dilangsungkan pada 13 hingga 14 Disember ini di Dewan Mukhtar, Pusat Islam Universiti Teknologi Mara (UiTM), Shah Alam memberi kefahaman tentang peranan bisnes dari sudut Islam.

Oleh MAZLINA ABDUL MAJID
mazlina.majid@kosmo.com.my

MASYARAKAT Islam sering dilabel sebagai komuniti yang kecundang lantaran kegagalan mereka menjanjikan kehidupan yang terbaik kepada masyarakat sendiri.

Dalam bidang ekonomi pula, globalisasi dan kapitalisme global pula telah mendedahkan negara Islam kepada penjajahan bercorak baharu oleh gergasi korporat multinasional milik negara maju.

Bertitik-tolak daripada itu, bagi menyedarkan dan pada masa sama memberi kefahaman tentang peranan bisnes dan mengiktiraf potensi bisnes kepada orang Islam, seminar yang bertajuk Jihad Bisnes akan dianjurkan pada 13 hingga 14 Disember ini.

Seminar yang bertemakan *Memperkasakan Ekonomi Ummah* itu dianjurkan Utusan Publications & Distributors Sdn. Bhd. (UP&D) dengan kerjasama Pusat Pemikiran dan Kefahaman Islam (CITU), Universiti Teknologi Mara (UiTM).

Sesi ilmu ini akan bertempat di Dewan Mukhtar, Pusat Islam UiTM, Shah Alam.

Menurut Timbalan Pengarah CITU, Prof. Madya Dr. Pisol Maidin, seminar itu nanti akan melibatkan tiga orang ahli panel yang terkenal dalam bidang masing-masing.

Mereka adalah Tan Sri Muhammad Ali Hashim yang merupakan mantan Presiden dan Ketua Pegawai Eksekutif Johor Corporation (JCorp); Dr. Zaharuddin Abdul Rahman (tokoh perbankan Islam dan pensyarah Universiti Islam Antarabangsa (UIAM)) dan Rohani Mohd. Shahir (Pengeras Hijrah Wealth Management Sdn. Bhd.).

Dr. Pisol membe-

Headline	Seminar perkasa ekonomi ummah		
MediaTitle	Kosmo		
Date	06 Dec 2011	Color	Full Color
Section	Kosmo 2	Circulation	115,967
Page No	26	Readership	406,000
Language	Malay	ArticleSize	427 cm ²
Journalist	N/A	AdValue	RM 3,713
Frequency	Daily	PR Value	RM 11,139

ritahu, seminar itu tidak hanya terbatas kepada orang awam untuk menyertainya malah pelajar institusi pengajian tinggi awam (IPTA) turut dipelawa bersama.

“Saya kira, ia adalah platform terbaik bagi semua pihak untuk mendasari dan belajar menyuntik cahaya Islam ke dalam amalan bisnes. Seterusnya, untuk menjadikannya sebagai asas motivasi yang perkasa untuk berjaya semasa bersaing dalam perniagaan,” katanya ketika ditemui bagi mengulas lanjut tentang program tersebut.

Seminar berkenaan menurut kata pensyarah UiTM itu, tidak seharusnya dilepaskan ekoran Muhammad Ali yang terkenal dengan ketokohan dan kehandalan dalam mengetuai empayar perniagaan akan menyampaikan ucap-tama.

“Beliau akan berkongsi segenap pengalamannya kepada semua peserta. Pada hari kedua pula, tokoh tersohor itu akan mengadakan sesi interaksi dan dijadualkan mengambil beberapa soalan yang dilon-tarkan oleh para peserta,” tambah-bahnyanya lagi.

Turut berbuat demikian nanti ialah Dr. Zaharuddin dan Rohani yang akan menceritakan tentang kaedah mengurus soal kewangan dengan bijak dan tip menangani ketidakpercayaan dalam menjalankan perniagaan.

Beberapa tokoh terkemuka yang mengemudi syarikat korporat produk kesihatan dan makanan halal juga dijangka mengambil bahagian.

Terdapat pameran, jualan barangan kesihatan dan kecantikan

yang dilangsungkan serentak.

Justeru, kepada orang ramai yang berminat, anda perlu membayar yuran penyertaan berjumlah RM400.

Diskaun sebanyak 10 peratus akan diberikan bagi penyertaan yang melebihi tiga orang. Istimewa untuk para pelajar, mereka cuma akan dikenakan bayaran sebanyak RM100.

Setiap peserta nanti akan menerima kertas kerja para panel, pakej makanan, sijil penyertaan termasuk cenderahati.

“Tambah menarik, mereka yang mengambil bahagian akan turut diberi buku bertajuk *Bisnes Satu Cabang Jihad* yang dikarang oleh Muhammad Ali secara percuma,” kata Dr. Pisol lagi.

Untuk pertanyaan lanjut, sila hubungi Nurul Wahida/Rozaini (03-92856577), Adlin (03-55442664/2650) atau Sahara (03-55442673).

